

էին թուրք խաների և աղալարների ձեռքը: Հիմնվելով իր ունեցած հին վավերաթղթերի վրա նա հաջողութեամբ վերականգնում էր իր հին իրավունքները:

Հայ մելիքներն ու բեկերը համեմատաբար արագ և դյուրին կարողացան ապացուցել հողերի վրա իրենց ունեցած սեփականատիրական իրավունքը և ճշտել այդ հողերի սահմանները: Այդ այնքան էլ հեշտ չէր թուրք բեկերի և վանքի և հայ եկեղեցու համար: Վեճերը տևեցին երկար տարիներ: 1895 թ. Զելինսկու<sup>16</sup> կատարած հետազոտությունը ցույց տվեց, որ միայն արքունիքի դեմ վիճելի հողերի համար սկսված էր 29 դատ, որոնցից՝

Տաթևի վանքի կողմից՝ 5,

Ղարաբաղի հայ-լուսավորչական կոնսիստորիայից՝ 1,

մնացած 23 դեպքերում պահանջողները թուրք բեկերն ու աղաներն էին:

Հողային վեճերը առավել ևս բազմաթիվ էին և մասնավոր անհատների միջև: Դատական գործերն անցնում էին սերնդե-սերունդ և շատերը դեռ չէին վերջացել հեղափոխության նախօրյակին: Այդպիսի դաշողութեամբ մեջտեղից վերանում էր հողատիրության այն խճճվածությունը և բարդությունը, որը ուսական տիրապետությունը ժառանգություն ստացավ նախորդ դարերից:

Հողատիրական իրավունքների ճշտման հետ զուգահեռաբար ընթանում էր նույն և երբեմն ավելի մեծ դժվարութեամբ ազնվական ծագման որոշումը: Դասակարգային կարգերի վրա հիմնված պետության մեջ այդ ծագման հետ շողկապված էին շատ ունեւ և կոնկրետ արտոնություններ: Զանգեզուրի թե. հայ և թե թուրք մելիքներն ու բեկերը ամեն ջանք էին թափում կայսրության ազնվականության ընդհանուր ցանկի մեջ ցուցակագրվելու համար: Հայ մելիքների ընտանիքները թեև իրենց ստվար մասով կարողացան ապացուցել իրենց ազնվական ծագումը<sup>17</sup> և մուծվել այդ ցանկի մեջ, սակայն շարունակ ձգձգվեց և մինչև վերջն էլ կասկածի տակ թողնվեց այն հարցը՝ թե արդյո՞ք նրանք, մանավանդ մահալական մելիքները, պետք է վրացական քավաղների պես համարվեն հավասար ուսական կնյազներին (իշխաններին): Այդ հարցը այնպես էլ մնաց բաց և դարի վերջին այլևս չարժարժվեց, ազնվականության արտոնությունները նոր տնտեսական-հասարակական պայմանների մեջ արդեն կորցրել էին իրենց ունեւ նշանակությունը:

Այսպես ամբողջ մի դարի ընթացքում Զանգեզուրում էլ, ինչպես ամենուրեք Անդրկովկասում, կատարվում էր արքունի, մասնավոր և համայնական հողատիրության սահմանորոշում և դրա հետ սերտորեն շողկապված՝ դասակարգային արտոնությունների և պարտավորությունների բաշխում: Սակայն դա չէր ազդում պարսկական պատերազմից հետո գավառում հաստատված էթնիկ դասավորության վրա, որը այլևս չէր ենթարկվում փոփոխության: Ինակչությունը իր բոլոր շերտերով և ազգային կազմով ստացավ իր կայուն տեղաբաշխումը:

Միայն դարի երկրորդ կեսում Զանգեզուրում Որոտանի (Քոչբեկի) լեռնանցքի մոտ, որը տանում է Սիսիանից դեպի Հայոցձոր (Դարալազյազ), տեղավորվեց մի ուսական գյուղ՝ Բորիսովկա՝ Բաղարշայ, հաջորդական

<sup>16</sup> Նույն տեղում, էջ 39—40:

<sup>17</sup> Մելիք-Ստեփանյանները ամեն կերպ աշխատում էին համոզել Մելիք-Փարսազանյաններին իրենց էլ մտցնել նրանց ճյուղագրական ցանկի մեջ և իրենց էլ ցույց տալ որպես այդ Աճանան-Քարհանեցի ազնվական տան մի ճյուղավորություն: